

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

dere , & proximum diligere. Quanquam enim sola fides justificat, Rom. 3. v. 28. non tamen est sola, sed charitatem habet comitem, quemadmodum Sol splendorem, & ignis calorem, Iac. 2. v. 17.18.

De Secundo.

Videbimus etiam *Persecutionis predictitionem*, & in primis argumenta, quibus ille pre munire suos Apostolos, ut sunt:

1. *Dei voluntas.* Nam mementote, inquit, sermonis, quem ego dixi vobis, Q. d. Non casu aut fortuito persecutio illa vos exagitatur, sed quicquid venit crucis & calamitatis, Deo permittente venit, qui capillos capitis vestri numeravit, & non decidit unus sine eis voluntate, Matth. 10. v. 30.

Hec maxima est *consolatio*. Non Diabolus, non Veneficiæ, non hostes nostri, malum, quo premirur, fabricarunt, sed Deus ipsem et autor est, Am. 3. v. 6. Ergo confidite vos mei non cum carnifice aut tyranno nobis res est, sed cum benefico Patre, qui fidelis est, & neminem sinit ultra vires tentari, 1. Corinth. 10. v. 13. Confer Ps. 103. v. 13. 14. Ps. 55. v. 23.

2. *Christi conformitas.* Si mundus vos odio habet, inquit Christus, scitote, quia me prius odiit. Evolvite mecum, dilecti, Christi vitam à primordio, nil nisi perpetuam passionem invenietis: Pudeat igitur membrum, delicari sub capite spinis coronato, inquit Bernhardus. Si conformes reddimur imaginis Christi crucifixi, conformes etiam reddemur imaginis Christi gloriosi, confer 2. Tim. 2. v. 11. 12. Luc. 24. v. 26.

3. *Electionis firmitas.* Si de mundo es-
tis, inquit Christus, mundus, quod suum es-
set, amaret, quia verò de mundo non es-
tis, sed ego vos elegi de mundo, propterea

mundus vos odio habet. Unde pater, quod omnes & singula, quæ nobis in hoc mundo tribulationes inferuntur, indubitatum electionis & adoptionis nostra argumentum sint.

Principum & magnatum aulicí certis vestimentorum coloribus distinguuntur: Ita Christi symbolum est crux, Gal. 6. vers. 17. quam si gestas in corpore tuo, de numero aulicorum ejus quod sis, inde cognosce. Quos enim mundus ut abortivos ejicit, hos Christus ut filios charissimos suscipit, inquit Cyrilus. Propter gloriantes in tribulationibus, Rom. 5. v. 3. expectare mercedem copiosam in cœlis, Matth. 5. v. 12.

4. *Causa bonitas.* Hæc omnia facient vobis, ait porrò Christus, propter nomen meum, quod certè non contemnendum consolationis monumentum est. Si quis nim affligitur, non ut homicida, aut fur, aut maleficus, aut alienarum rerum inspecto, sed ut Christianus, non pudebit, sed glorificet DEUM hac in parte, inquit Petrus, 1. c. 4. v. 15.16.

Ita Moses eligebat potius affligi cum populo Dei, quam tempore peccati jucunditatem habere, Ebr. 11. v. 25. Apostoli gaudentes discedebant à conspectu Concilii, quod digni habitu essent, qui pro nomine Iesu contumelias ferrent, Act. 5. v. 41.

Babylas, Antiochenus Episcopus, sub Decio Imperatore martyrio coronatus, tanti aestimabat catenas, quibus vincitus erat, ut liberari nolle, cum ad supplicium rapretur, sed rogaret, ut in hoc ornatus sibi mori licaret.

Videte igitur, vos mei, ut bonam habeatis conscientiam, quæ neque in morte trepidat, Prov. 14. v. 32.

5. *Hostium cæcitas.* Nam non noverunt cum,

etum, inquit Christus, qui misit me. Hæc affectata est ignorantia, quæ non excusat, debebant enim scire, quod Christus ipsi sa-
pius hactenus inculcaverat. Si non venissim, inquit in lequentibus, peccatum non habe-
rent, jam verò nihil habent, quo peccatum
suum excusent, v. 22. Interim Christianis in
solatium cedit, quando injustè damnatur ab
iis, qui nullam causæ cognitionem habent,
sed cœco impetu ex mera invidia sententiā
ferunt, & exequuntur. Dum igitur nos con-
demnant ad mortem temporalem, sibi ipsis
æternam mortem accelerant, ex qua nulla
redemptio, Ps. 49. v. 15.

Eadem cœcitate laborant adhuc hodie
omnes adversarii nostri, qui veritatem im-
pugnant, & confessores ejus genuinos per-
sequuntur, nulla alia de causa, quam quod
Deum & Filium ejus Christum Jesum igno-
rant, & non credunt, quod Christi fratres

& membra sumus, quæ defendit ipse, tan-
quam pupillam oculi, Zach. 2. v. 8. hinc pa-
rem etiam pœnam aliquando experientur
in revelatione Domini Jesu de cœlo, cum
angelis virtutis ejus, in flamma ignis dantis
vindictam iis, qui non noverunt Deum, &
qui non obediunt Evangelio Domini nostri
Jesu Christi, 2. Thess. 1. v. 7. 8.

*Quod superest, quæsumus te, piissime
Jesu, ut corda nostra reflectas ad amorem, &
contra persecutionem mundi argumenta,
quæ jam audivimus, consolatoria nobis ista
per Spiritum sanctum applies, & obsi-
gnes, ut per se vincamus, & trium-
phenus, Amen, ô DO-
MINE JESU,
Amen.*

Soli Deo gloria!



